

眉州屬志卷九

風土志

禮俗
蠶桑

歲時
畜牧

講約
種植

物產

爲治之道富教二者而已顧利用厚生則富爲先
入境覘風則教斯重眉在漢爲武陽或屬犍爲或
隸益州常璩華陽國志謂華岷靈標江漢精華其
風淳故士多仁孝女性貞專雖魯之詠洙泗齊之
禮稷下未足尙也其土沃故膏腴澤衍水旱從人
不知饑饉地多大姓物產豐饒降及唐宋猶稱盛
焉自明季凋殘後休養百數十年來其民儉樸力

眉州屬志

卷九

禮俗

一

田粗能自給而較之於古遠不逮矣豈風俗與化
易移物理有盈虛消息時固然與抑視乎爲之者
何如耳夫宣德化導勸農課桑有司之職也作風
土志

禮俗

華陽國志士尙節義光武嘉之謂爲士大夫之郡
唐通義志士以名節相尙

宋蘓軾遠景樓記吾州之俗近古者三士大夫貴
經術重氏族其民尊吏而畏法其農夫合耦以相

助

宋譙樓記其民以詩書爲業以故家文獻爲重
俗敦禮讓政清訟簡李熙績詩民俗畏公無訟事
郡齋閑似野人居

丹志士類滋多人崇禮讓力耕務本不尙奢華
彭志民俗樸儉服穡事尙陶冶

青志民無遊惰士艷科第

按今眉屬士習尙樸素不競浮靡守禮安分無囂
凌氣習然方之前代諸公文章氣節已覺不逮而

眉州屬志

卷九

禮俗

二

闐闐閭閻五方雜處良莠不一獄訟漸繁苟欲磨
厲薰陶振新丕變必如文翁之興化龔遂之移民
庶風氣可臻臻日上爲政者豈得謂非旦夕可期
而不加之意乎

眉地平原山墅各據其半農家堰田種稻高田山
土種各雜糧名曰小春飼蠶繅絲拾綿紡織婦女
亦無冶容之飾滛蕩之行唐魏勤儉庶幾近之
工惟木石陶冶以資民用無奇技滛巧以惑人者
商惟各市鎮小負販以通有無無重貲本者由地

僻民儉故他方之鬻技懋遷者鮮至焉

冠禮古人筮日筮賓告於先祠而冠之所以責成人也近世子弟自髫齡卽與冠帶少儀子弟職罕能習之容兮遂兮不勝刺矣傳曰冠禮廢天下無成人蓋幼則使之躐等及長又不教以成人之道也其禮自唐宋來已廢此卽士大夫家亦無言及者崇禮由禮可不端厥本與

婚禮有六古云六禮不備貞女不行而納采問名始事尤當致慎蓋女家以書告於祠堂謹具所出

眉州屬志

卷九

禮俗

三

及生年月日如別幅此俗所謂婚書庚帖也行之至爲便易而訟端可以永絕此地惟紳士間或行之餘惟憑媒說合已始事苟簡且議婚不於其時女方襁褓輒以許人謂之童昏及長而悔者多矣至於納徵卽納聘財也貧富惟稱只期備禮而已記云將合二姓之好上以事宗廟下以繼後世故君子重焉傳曰婚禮廢則夫婦之道失淫辟之行多矣可不慎乎

喪禮自初終以及大小斂下窆虞祭祔廟祥禫禮

經具有明文特士庶之家平素既未講求臨事倉卒其附身附棺致遺後悔者多矣况又拘於俗尙延請僧道以作佛事奏樂酒肉以宴親友無論親疎皆散白裹首不如是則親族以爲不孝其敝在不能遵禮而行故假此以塗飾耳目耳如孝子果能深痛其親竭誠致愼則顏色之戚哭泣之哀觀者有不大悅者乎

宗法不行於時祭禮多廢夫豺獭尙知報本爲人子孫可不盡心於祀事乎川俗鮮有宗祠每於清

眉州屬志

卷九

禮俗

四

明日祭掃墳墓而已卽有一二好禮之士又拘於戴記二廟三廟之說罔及其先然伊川有祭及先祖始祖之文蒲江鄭氏宗祠位次圖亦祭及先祖儒於報本追遠之道未嘗爲之限量也尊祖敬宗方可收族重民五教喪祭爲先可不講歟

歲時

元旦祀先禮神賀新年

迎春日競看土牛老幼盈途

人日前後晏客名節酒

上元日張燈演龍獅人物各故事鼓樂喧闐士庶嬉遊會飲行樂是日浴蠶祀蠶神

二月三日祀梓潼神君各村塾晏會

清明寒食前後祀墓

五月五日釀角黍飲菖蒲酒懸艾虎書朱符曰辟邪十三日祀關聖

六月六日晒衣節士夫家出書籍暴之以避蠹蝕二十四日祀川主村民備牲酒賽青苗祈秋成謂之青苗會祭畢合飲而散卽大雅祀田祖意也

眉州屬志

卷九

歲時

五

七月七日女子穿針乞巧祀中霤土地神

中元稱七月半以緋錢作包祀先名曰燒袱子

八月中秋士夫家以酒肴糕餅團飲玩月而已

重陽登高酌菊酒各家新釀俗云可以長貯

十月朔日祀牛神祀畢羣飲

臘月八日作粥二十四日掃舍宇祀竈

除夕易門神作春帖祀先飲酒爆竹夜半團聚飲曰守歲

講約

講約所在寶華寺內每月朔望虔設香案奉

聖諭十六條于案上知州率僚屬行三跪九叩禮畢講

約生員二人宣講

上諭士民環集聽講

案講約即吉月讀法之遺十六條所以教民善俗

維持風化者最為詳備第患奉行日久視為具文

祇以宣讀了事無以打入人心又

聖諭廣訓所以覺世牖民至為愷切惟有逐條為之剖

眉州屬志

卷九 講約

六

析講解使聽者人人通曉咸知

聖天子委曲開導至意良心感發風俗庶可望丕變乎

物產

穀類

稻 飯曰黏酒曰糯黏有白早三毛香麻早安揚塵南

京北京柳條沙子猪油矮麥二大小蕎二種甜苦 豆

有黃黑紅綠粟二種酒飯 梁 芝麻 黑白 包穀 黍

蔬類

芥 葱 韭 芹 蒿 苳 波 菱 苘 蒿 莧

蘿葡 薑 蒜 芫荽 蒼蓬 茄 木耳 枸
杞芽 芋 薯 蕨 筍 葫蘆 匏瓜 瓠子
苦菜 豇豆 扁豆 刀豆 王瓜 東瓜 南
瓜 蒟蒻 菌 苦瓜 甜瓜 菜瓜 青菜
白菜 波菜 油菜 慈菰 絲瓜
果類

桃 李 梅 柿 梨 栗 榛 枇杷 藕
蓮 石榴 銀杏 荔支 花紅 櫻桃 荸薺
林檎 香圓 橙 柑 蜜桶 核桃 木瓜

眉州屬志

卷九

物產

七

甘蔗 稜角 棗 葡萄

木類

松 栢 槐 柳 桑 柘 青杠 冬青 白
蠟 榆 紫荊 麻柳 青檀 夜合 黃葛
白楊 橙 楠 楸 杉 梧桐 楓 梓 漆
柞 椿 櫟 樗 櫟 黃槿

竹類

斑 篁 水 慈 苦 白夾 刺 黑 紫
鳳尾 羅漢 月

花類

桂 薔薇 粉團 五色梅 蘭 蕙 菊 海
棠 雞冠 射干 月月紅 木槿 七姊妹
剪紅羅 玉簪 水仙 鳳仙 茉莉 梔子
秋海棠 百日紅 石竹 燕脂 滴滴金 七
里香 葵 芍藥 牡丹

藥類

鬱金 何首烏 蒼耳 薄荷 紫蘼 大戟
山梔 白芨 寒水石 槐花 皮硝 使君子

眉州屬志

卷九

物產

八

小茴 牽牛 鼠黏子 天冬 麥冬 香薷
木通 瓜蒌 地骨皮 桑白皮 益母草 乾
葛 香附子 葶麻 半夏 蛇床 枸杞 荆
芥 艾 紅花 車前子 金銀花 天花粉
苦參 牛膝 良薑 木通 決明 巴荳

畜類

牛 二有水種 黃馬 騾 驢 豬 羊 二有水種 山綿 犬 雞

鵝 鴨 猫

獸類

虎 豹 鹿 兔 豺 熊 猿 狐 獺 野
猪 狸 麂 狗 狼

禽類

鵲 鳩 鶯 燕 鶴 鸛 鶉 鶉 鴿 杜鵑

麻雀 白頭翁 烏鴉 鷹 畫眉 啄木

鷓鴣 野鷄 麻啄 鷺鷥 桐花鳳 鳧 布穀

鴛鴦 錦鷄 竹雞 鳩 鴿

魚類

鯉 鯽 鱖 鰱 鮒 桃花 蘆花 白鰱 黃鱔

眉州屬志

卷九 物產

九

鯉 紅杪 青魚 烏魚 墨線 龜 蚌 鼈

蟹 螺

貨類

綿 絲 綿 紬 蜜 蠟 金 葛 茶

蠶桑

蜀侯蠶叢氏服青衣學民蠶事其下化之故蜀多
蠶沒後人思其德為立青衣神祠因以名縣華陽
國志謂其卦值坤故多斑繡文章至今民家業蠶
視他處為勝養蠶之法仲春浴種用綿包裹或用

日晒或置暖處俟種出則飼以柘葉無柘飼以山柘謂之苦柘稍長則飼以桑葉每十日一眠三眠後則作繭絲成矣繭成卽用水煮取絲名曰水絲其絲潤澤若繭多一時不及煮者先用火烘炙後始用水煮取絲者名曰火絲絲頗燥大約天氣晴暖桑葉豐肥則蠶壯而繭厚多絲或落黃沙或陰雨蠶食其葉則病病則繭薄而絲少植桑之法春初斬老桑長尺兩端封以泥埋土中清明後則蘗芽盡出須植平原沃土擁之以糞則葉肥而絲光

眉州屬志

卷九

蠶桑

十

潤土瘠著葉薄不堪每歲繭成則民間烹雛釀酒羣祀蠶神而新絲入市矣

畜牧

人家畜牧如牛馬之用以耕田負重誠不可少他如羊豕鷄鴨之類所以供祭祀養老娛賓速舅之需其用甚普亦必計其牝牡時其字尾而滋生之其類始繁又溪澗陂池積水可資灌溉畜養魚鰲足以備鮮藁昔人云牛馬之利倍豕羊之利五雞鶩之利十水族之利百小民生計莫便於此雖

民間畜牧之細皆王政所籌及不可以其近而忽之

種植

種植之利甚廣其大者莫過於稻眉屬堰水可灌者悉種稻矣山田畜積冬水亦可種稻如無水則就行列播種其中秧苗自出名曰旱秧得雨亦有收穫但較水田少歉耳山土則種菽麥之類名曰小春亦可少資接濟其他蔬菜等類爲數至多足充食用故菜不熟曰饑如南瓜冬瓜瓠子之類食

之可飽再如芋薯二種極可充飢凡有隙地徧種無遺較他穀成熟尤易苟所獲旣多雖遇歉歲亦可恃以無恐矣

樹木中諸果可以充籩實供祭祀如棗栗北方用以爲食如五穀然多故耳他木材或爲宮室或爲棺槨其用甚大而眉地鮮樹植者才木咸取諸他縣夫一核一蘖之微苟植之得宜長成卽取用無盡昔人有製器而需漆者方種漆樹人咸笑之後樹成漆器而嚮之笑之者咸取資焉苟爲不畜則

終身不得治生之策隨處皆益人自不察耳

眉州屬志

卷九
種植

十二